

Das Perd

Warum zum Gaul auch Perd mer sagt,
hann neulich ich mich mol gefragt.
Drum hann ich mir de Kobb verrenkt
un dodriwwer mol nogedenkt.

Wie Schuppe fiel's mir von de Auge:
Der Name tut vortrefflich taugen:

Weil das Perd lebt uff de Erd,
ob allää, ob in de Herd,
ob's trabt un springt un galoppiert
un Perdeäppel produziert.
Uff de Erd uff jede Fall
macht das Perd die Sache all.

Denn täte es das in de Luft,
wär's net e **Perd**, sondern e **Pluft!**

Günter Mannweiler

